



აფხაზეთის ავტონომიური რესპუბლიკის
მთავრობის საკუთრივ დადგენილება
საარგო სამართლებრივ

დაცვითი-საგანგაშო, ხანძარსაწინააღმდეგო სიგნალიზაციის სისტემის
სქემის შემუშავებისა და სამონტაჟო-საინსტალაციო სამუშაოების
სახელმწიფო შესყიდვის გამარტივებული ელექტრონული ტენდერის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო
შესყიდვების შესახებ“ საქართველოს კანონის 12¹ მუხლის, „გამარტივებული
შესყიდვის, გამარტივებული ელექტრონული ტენდერისა და ელექტრონული ტენდერის
ჩატარების წესის დამტკიცების შესახებ“ სახელმწიფო შესყიდვების
სააგენტოს თავმჯდომარის 2011 წლის 7 აპრილის N9 ბრძანების
საფუძველზე.

2012 წელი 12 დეკემბერი
ქ. ბათუმი

1. სატენდერო დოკუმენტაცია

1.1. პრეტენდენტმა უნდა აიტვირთოს სახელმწიფო შესყიდვების ერთიან ელექტრონულ სისტემაში შემდეგი ინფორმაცია: რეკვიზიტები, **დანართი N1-ის** მიხედვით და ფასების ცხრილი **დანართ N2-ის** ფორმის შესაბამისად;

2. ანგარიშსწორების პირობები:

2.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.2. ანგარიშსწორება მოხდება უნაღდო ანგარიშსწორებით ლარში.

2.3. ანგარიშსწორება განხორციელდება ერთჯერადად ფაქტიურად სრულად შესრულებული სამუშაოების შესაბამისად დოკუმენტების გაფორმებიდან არაუგვიანეს 10კალენდარული დღის განმავლობაში.

3. სამუშაოს აღწერა:

3.1 პრეტენდენტმა უნდა უზრუნველყოს დაცვითი-საგანგაშო, ხანძარსაწინააღმდეგო სიგნალიზაციის სქემის შემუშავება და სისტემის სამონტაჟო-საინსტალაციო სამუშაოების შესრულება აჭარის ა.რ. მთავრობის საქვეუწყებო დაწესებულება საარქივო სამმართველოს ტერიტორიული ორგანოების ქობულეთისა და ხელვაჩაურის არქივების ადმინისტრაციულ შენობებში. (იხილეთ შენობის გეგმა#1, გეგმა#2)

3.2 პრეტენდენტმა შემუშავებული სქემის მიხედვით უნდა შეასრულოს დაცვითი-საგანგაშო და ხანძარსაწინააღმდეგო სიგნალიზაციის სამონტაჟო-საინსტალაციო სამუშაოები საკუთარი ინვენტარითა და სამუშაო ძალებით;

3.3. დაცვითი-საგანგაშო და ხანძარსაწინააღმდეგო სიგნალიზაციის სისტემის მონტაჟისა და გამართვის შემდეგ პრეტენდენტმა უნდა მოამზადოს სისტემა ცენტრალიზებულ დაცვით პულტთან მისაერთებლად;

3.4. პრეტენდენტმა უნდა გააცნოს შემსყიდველს დაცვითი-საგანგაშო და ხანძარსაწინააღმდეგო სიგნალიზაციის სისტემის ექსპლუატაციის ინსტრუქცია;

3.5. პრეტენდენტის მიერ შემუშავებული სქემა უნდა უზრუნველყოფდეს შენობის დაცვის 100% გარანტიას;

3.6. პრეტენდენტი უნდა იძლეოდეს შესრულებული სამუშაოების ხარისხზე და გამართულობაზე 6 თვიან საგარანტიო ვადას, ხოლო საგარანტიო ვადის პერიოდში გამოვლენილი ნაკლოვანებების აღმოფხვრა უნდა უზრუნველყოს საკუთარი ხარჯებით.

3.7. პრეტენდენტმა უნდა უზრუნველყოს სამუშაოების დროული და ხარისხიანი შესრულება 25 დეკემბრამდე.

4. სამუშაოების შესრულების ადგილი:

4.1. ქ. ქობულეთი, აბაშიძის ქ#10 (იხილეთ შენობის გეგმა#1)

4.2 ქ. ბათუმი, ფრიდონ ხალვაშის ქ#366; (იხილეთ შენობის გეგმა#2)

5. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. ბათუმი, ვ. გორგასალის ქუჩა N126, პირველი სართული.

საკონტაქტო პირი: ირმა ჯორბენაძე. ტელ: 577 26 14 36; (888222) 7-92,-01; .

3. სახელმწიფო შესყიდვის შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ხელშეკრულება N

ქ. ბათუმი,

..... 2012 წელი

ერთის მხრივ, აჭარის ა.რ. მთავრობის საქვეუწყებო დაწესებულება საარქივო სამმართველო მისი უფროსის გურამ სალამის სახით (შემდგომში „შემსყიდველი“) და მეორეს მხრივ სახით (შემდგომში მიმწოდებელი), გამარტივებული ელექტრონული ტენდერის(სატენდერო განცხადება NSPA....) ჩატარების შედეგად ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე:

1. ხელშეკრულების საგანი და ღირებულება

1,1 „შემსრულებელმა“ უნდა უზრუნველყოს დაცვითი-საგანგაშო, ხანძარსაწინააღმდეგო სიგნალიზაციის სქემის შემუშავება და სისტემის სამონტაჟო-საინსტალაციო სამუშაოების შესრულება აჭარის ა.რ. მთავრობის საქვეუწყებო დაწესებულება საარქივო სამმართველოს ტერიტორიული ორგანოების ქობულეთისა და ხელვაჩაურის არქივების ადმინისტრაციულ შენობებში. (კლასიფიკატორის კატეგორია CPV 45316200;)

ხელშეკრულების საერთო ღირებულება შეადგენს _____ ლარს.

2 ხელშეკრულების შესრულების კონტროლი

2,1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

2,2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს აჭარის არ მთავრობის საქვეუწყებო დაწესებულება საარქივო სამმართველოს მიერ შექმნილი კომისია შემდეგი შემადგენლობით:

ა) რამინ ზოიძე-საარქივო სამმართველოს უფროსის მოადგილე(კომისიის თავმჯდომარე)

ბ)ელგუჯა ჩაგანავა– საარქივო სამმართველოს ცენტრალური აპარატის უფროსი (კომისიის წევრი)

გ)ავთანდილ ჩახვაძე - საარქივო სამმართველოს სამეურნეო და ურბანულ საკითხთა განყოფილების

უფროსი. (კომისიის წევრი)

დ) გელა გუგუშვილი- სამეურნეო და ურბანულ საკითხთა განყოფილების მთავარი სპეციალისტი

(კომისიის წევრი).

ე) თენგიზ სალუქვაძე-საარქივო სამმართველოს ტერიტორიულ ორგანოებთან მუშაობის და დაკომპლექტება- დამუშავების განყოფილების უფროსი (კომისიის წევრი).

ვ)ნაზი შარაშიძე- საარქივო სამმართველოს ტერიტორიულ ორგანოებთან მუშაობის და დაკომპლექტება- დამუშავების განყოფილების მთავარი სპეციალისტი (კომისიის წევრი).

ზ)მურმანი ბერიძე- სამეურნეო და ურბანულ საკითხთა განყოფილების დამხმარე

მოსამსახურე (კომისიის წევრი).

3. შესყიდვის ობიექტის მიწოდების ვადები, პირობები და ადგილი

- 3.1 მიმწოდებელმა უნდა უზრუნველყოს დაცვითი-საგანგაშო და ხანძარსაწინააღმდეგო სიგნალიზაციის სქემის შემუშავება. შემუშავებული სქემა უნდა უზრუნველყოფდეს შენობის დაცვის 100% გარანტიას.
- 3.2 მიმწოდებელმა უნდა უზრუნველყოს შემუშავებული სქემის მიხედვით დაცვითი-საგანგაშო და ხანძარსაწინააღმდეგო სიგნალიზაციის სამონტაჟო-გასამართი სამუშაოების შესრულება საკუთარი ინვენტარითა და სამუშაო ძალებით, დროულად და ხარისხიანად.
- 3.3 გააცნოს შემსყიდველს დაცვითი-საგანგაშო და ხანძარსაწინააღმდეგო სიგნალიზაციის სისტემის ექსპლუატაციის ინსტრუქცია.
- 3.4 საკუთარი ხარჯებით უზრუნველყოს სამუშაოების დასრულების დღიდან საგარანტიო ვადის ექვსი თვის განმავლობაში გამოვლენილი ნაკლოვანებების აღმოფხვრა, თუ ის გამოწვეული არ არის შემსყიდველის მიერ არასწორი ექსპლუატაციით.
- 3.5 მიმწოდებელმა დაცვითი-საგანგაშო და ხანძარსაწინააღმდეგო სიგნალიზაციის სისტემის მონტაჟისა და გამართვის შემდეგ უნდა მოამზადოს სისტემა ცენტრალიზებულ დაცვით პულტთან მისაერთებლად.
- 3.6 შესყიდვის ობიექტის მიწოდება მიმწოდებლის მიერ უნდა მოხდეს 25 დეკემბრამდე.
- 3.7 მიმწოდებელი ვალდებულია შეასრულოს სამუშაოები ხელშეკრულებით გათვალისწინებულ ვადებში, საქართველოში მოქმედი ყველა საჭირო ნორმების, სტანდარტებისა და წესების მოთხოვნების დაცვით.
- 3.8 შემსყიდველი ვალდებულია აანაზღაუროს შესრულებული სამუშაოს ღირებულება ხელშეკრულებით გათვალისწინებულ ვადაში და პირობებით.
- 3.9 აღნიშნული სამუშაოების შეასრულების ადგილია :
ქ. ქობულეთი, აბაშიძის ქ#10
ქ. ბათუმი, ფრიდონ ხალვაშის ქ#366

4 შესყიდვის ობიექტის მიღება-ჩაბარების წესი

- 4.1 შესყიდვის ობიექტი ან ჩაითვლება მიღებულად ფაქტიურად შესრულებული სამუშაოების მიღება-ჩაბარების აქტის გაფორმების შემდეგ.
- 4.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი ფინანსური დოკუმენტაცია.
- 4.3 შესყიდვის ობიექტის მიღება და საბოლოო შემოწმება ხდება გაწეული სამუშაოების შესრულების ადგილზე.
- 4.4 შესყიდვის ობიექტის მიღების შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 4.5 შესყიდვის ობიექტის მიღება-ჩაბარებაზე პასუხისმგებელი პირია აჭარის ა.რ. მთავრობის საქვეუაწყო დაწესებულება საარქივო სამმართველოს მიერ შექმნილი კომისია.

5 ანგარიშსწორება

- 5.1 ანგარიშსწორების ფორმა – უნაღდო.
- 5.2 შემსყიდველი ანგარიშსწორებას განახორციელებს ერთჯერადად ფაქტიურად სრულად შესრულებული სამუშაოების მიღება-ჩაბარების აქტის გაფორმებისა და შესაბამისი ფინანსური დოკუმენტაციის წარმოდგენიდან 10 კალენდარული დღის განმავლობაში.
- 5.3 მიმწოდებელთან ანგარიშსწორება ხორციელდება ლარებში.

6 ფასები

- 6.1 მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.
- 6.2 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.
- 6.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 6.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ის ზე მეტი ოდენობის გაზრდა.

7 ხელშეკრულებაში ცვლილებების შეტანა

- 7.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 7.2 თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 7.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.
- 7.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8 უფლებების გადაცემა

- 8.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

9 სუბკონტრაქტორები

- 9.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.
- 9.2 ამ ხელშეკრულების ფარგლებში დადებული ყველა სუბ-კონტრაქტორის ასლი უნდა წარედგინოს შემსყიდველს.

9.3 ამ ხელშეკრულების ფარგლებში დადებული არცერთი სუბ-კონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

10 ხელშეკრულების პირობების შეუსრულებლობა

- 10.1 თუ მიმწოდებელი არ ასრულებს თავის ვალდებულებებს, ხელშეკრულებაში მითითებულ ვადებში, შემსყიდველი წერილობითი ფორმით აფრთხილებს მიმწოდებელს დაიცვას ხელშეკრულების პირობები.
- 10.2 თუ მიმწოდებელი არ ასრულებს ხელშეკრულებით გათვალისწინებულ პირობებს, მაშინ მას დაეკისრება პირგასამტეხლოს გადახდა 0,15 %-ის ოდენობით ყოველ ვადაგადაცილებულ დღეზე.
- 10.3 იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 5%-ს, ამ ხელშეკრულების მოქმედება ვადამდე შეწყდება.

11 ფორს-მაჟორი

- 11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 11.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12 სადაო საკითხების გადაწყვეტა

- 12.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარდონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 12.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

13 გამოყენებული სამართალი

- 13.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14 ხელშეკრულების ენა

14.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

15 გადასახადები და დაბეგვრა

- 15.1 უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.
- 15.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

16 ხელშეკრულების მოქმედების ვადა

16.1 წინამდებარე ხელშეკრულება ძალაშია გაფორმების თარიღიდან 2012 წლის 31 დეკემბრის ჩათვლით.

17 სხვა პირობები

- 17.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 17.2 მესამე პირთან ურთიერთობაში მხარეები მოქმედებენ სახელით, ხარჯებითა და რისკით.
- 17.3 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი - მიმწოდებელს, ხოლო ორი ეგზემპლარი - შემსყიდველს). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 17.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

18 მხარეთა იურიდიული მისამართები და რეკვიზიტები

<u>„შემსყიდველი“</u>	<u>„მიმწოდებელი“</u>
<u>აჭარის ავტონომიური რესპუბლიკის საარქივო სამმართველო</u>	
<u>ტელ: (+995) (222) 7-92-01</u>	<u>ტელ:</u>
<u>მისამართი: ქ. ბათუმი, ვ.გორგასალის ქუჩა N126</u>	<u>მისამართი:</u>
<u>საბანკო რეკვიზიტები:</u>	<u>საბანკო რეკვიზიტები:</u>
<u>ს.ს. „საქართველოს ბანკი“</u>	
<u>ბანკის კოდი – BAGAGE22</u>	
<u>#GE78BG0000000886744500</u>	
<u>საიდენტიფიკაციო კოდი - 245429200</u>	
<u>სამმართველოს უფროსი:</u>	
<u>_____ /გ. სალაძე/ ბ. ა.</u>	

რეკვიზიტები და სატენდერო წინადადების ფასი

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

პრეტენდენტის ხელმოწერა _____ ბ.ა.

თარიღი _____

შენიშვნა: მიმწოდებლის მიერ სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და ბეჭედდასმული.

დაცვითი-საგანგაშო და ხანძარსაწინააღმდეგო სიგნალიზაციის სისტემის
სქემის შემუშავებისა და სამონტაჟო-საინსტალაციო სამუშაოების
ხარჯთაღრიცხვა

სახარჯთაღრიცხვო ღირებულება _____ ლარი

პრეტენდენტის დასახელება _____

#	dasaxe l eba	zomis er Teu l i	raoden oba	er Teu l is fasi	სულ ღირებულე ბა

- 1, აღნიშნული სამუშაოები შესრულებული იქნება 25 დეკემბრამდე
- 2, შესრულებულ სამუშაოებზე მოქმედებს საგარანტიო ვადა, შესაბამისი მიღება-ჩაბარების აქტის გაფორმებიდან 6 თვის განმავლობაში;
- 3, სურლი ანგარიშსწორება უნდა განხორციელდეს შესრულებულ სამუშაოებზე მიღება-ჩაბარების აქტის გაფორმებიდან 10 დღის განმავლობაში.

პრეტენდენტის ხელმოწერა _____ ბ.ა.

თარიღი _____

შენიშვნა: მიმწოდებლის მიერ სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და ბეჭედდასმული.